

ԹՈՒՐԲԱԳԻՏԱԿԱՆ ԳԻՏԱԺՈՂՈՎ ԵՐԵՎԱՆՈՒՄ

1986 թ. մայիսի 21—23-ին ՀՍՍՀ ԳԱ արևելագիտության ինստիտուտում կայացավ թուրքագիտական կոնֆերանս նվիրված Օսմանյան կայսրության պատմության պրոբլեմներին XIX—XX դարերի սահմանագծում: Այն կազմակերպել էին արևելագետների համաթիութենական ասոցիացիայի հայկական բաժանմունքը և ՀՍՍՀ ԳԱ արևելագիտության ինստիտուտը:

Կոնֆերանսին մասնակցում էին մի շարք ճանաչված գիտնականներ Երևանից, Մոսկվայից, Լենինգրադից, Բաքվից, Թբիլիսիից: Զեկուցումներով հանդես եկան նաև մի խումբ երիտասարդ թուրքագետներ Երևանից, Ալմա-Աթայից, Մախաչկալայից:

Իր բացման խոսքում ՀՍՍՀ ԳԱ արևելագիտության ինստիտուտի դիրեկտոր, ՀՍՍՀ ԳԱ թղթակից անդամ Գ. Խ. Ստրզովյանը ասաց, որ գիտա-ժողովի անցկացումը Երևանում պատահական չէ. այն պայմանավորված է ինչպես հայ թուրքագիտության բազմադարյան ավանդույթներով, այնպես էլ Սովետական Հայաստանի թուրքագետների հաջողություններով վերջին քառորդ դարի ընթացքում: Նա թվարկեց հայ թուրքագետների մի շարք աշխատություններ, որոնք բարձր գնահատական են ստացել Սովետական Միության արևելագետների կողմից: Վերջին թուրքագիտական նստաշրջանից հետո (այն տեղի է ունեցել 1983 թ. Մոսկվայում) լույս են տեսել նոր ուսումնասիրություններ, հայտնաբերվել են նոր փաստաթղթեր: Նրանց ընդհանրացումը սույն կոնֆերանսի ընթացքում կարևոր նշանակություն կունենա սովետական թուրքագիտության, մասնավորապես օսմանագիտության հետագա զարգացման համար,—նշեց Գ. Խ. Ստրզովյանը: Վերջում նա հաջողություն մաղթեց մասնակիցներին և հույս հայտնեց, որ կոնֆերանսը կանցնի բարձր գիտական և տեսական մակարդակով:

Կոնֆերանսում կարդացված զեկուցումների թեմատիկան ունի բավական լայն ընդգրկում: Ներկայացված շուրջ 30 զեկուցումներում արժանի էին XIX դարի վերջի և XX դարի սկզբի Օսմանյան կայսրության սոցիալ-տնտեսական զարգացման, ներքին և արտաքին քա-

ղաքականության, հպատակ ժողովուրդների ազգային-ազատագրական պայքարի, գաղափարական և մշակութային կյանքի մի շարք հետաքրքիր և դեռևս քիչ ուսումնասիրված հարցեր:

Մեծ հետաքրքրությամբ լսվեց ՀՍՍՀ ԳԱ ակադեմիկոս Մ. Գ. Նեբեդյանի (Երևան) «Գերմանական պաշտոնական փաստաթղթերը արևմտահայության ցեղասպանության մասին» խորագիրը կրող զեկուցումը: Հենվելով հարուստ փաստական նյութի վրա, նա համոզիվ կերպով ցույց տվեց, որ 1915—16 թթ. Թուրքիայում գտնվող գերմանական պաշտոնական ներկայացուցիչները իրենց կառավարությանը հղած գաղտնի զեկուցագրերում, նամակներում, հեռագրերում մանրամասն նկարագրել են արևմտահայության ոչնչացման սոսկալի պատկերը: Այս փաստաթղթերը մեկ անգամ ևս ամենայն հստակությամբ վկայում են, որ երիտթուրքերի պարագլուխները ծրագրել և անմարդկային դժանդության իրականացրել են XX դարի առաջին ցեղասպանությունը: Զեկուցողը նշեց, որ այսօր պատմության թուրքական և ամերիկյան կեղծարարները փորձում են ծխտել անգամ ցեղասպանության փաստը: Նրանք լայնորեն տարածում են իրենց հակագիտական տեսակետները, ջանք չեն խնայում շփոթության մեջ գցելու հասարակական կարծիքը: Բուրժուական պատմագիտության հետադեմ ներկայացուցիչներին արժանի հակահարված տալու տեսանկյունից կայդերական Գերմանիայի՝ առաջին համաշխարհային պատերազմի տարիներին Օսմանյան կայսրության գլխավոր զաշնակցի, պաշտոնական փաստաթղթերի վկայությունները հայերի ցեղասպանության մասին գիտական լայն շրջանառության մեջ դնելը ունի կարևոր այժմեական նշանակություն,—եզրակացրեց Մ. Գ. Նեբեդյանը:

Գերմանական արխիվային փաստաթղթերը, քաղված հասարակական գործիչ և հումանիստ Ի. Լեփսիուսի անձնական արխիվից, կազմել էին պ. գ. թ. Հ. Ս. Կոբլսմալդանի (Երևան) զեկուցման աղբյուրագիտական հիմքը: Նա պատմեց այն մասին, որ գերմանական առաջավոր հասարակայնությունը իր ցասման ձայնը բարձրացրեց

Սուլթան Արդու Համիդ II-ի հայաշինչ քաղաքականության դեմ:

Մի շարք զեկուցումներ նվիրված էին սոցիալ անտեսական պրոբլեմներին: Ուշագրավ էր պ. դ. թ. Մ. Ս. Մնյեռի (Մոսկվա) ելույթը: Մանրամասն վերլուծելով XIX դարում Օսմանյան կայսրությունում անցկացված մարդահամարների ավյանները, նա ոչ միայն բացահայտեց դեմոգրաֆիական փոփոխությունների գլխավոր օրինակահատկությունները և տեղեկությունները, այլ նաև կարողացավ ցույց տալ, որ երկրի գեոգրաֆիական վիճակը իր ազդեցությունը ունեցավ կառավարող շրջանների քաղաքականության վրա: Մասնավորապես նա նշեց, որ Անատոլիայում քրիստոնյաների թվի աճը (XIX դարի 80-ական թթ. այն հասավ ողջ բնակչության 27 տոկոսին) դարձավ Արդու Համիդ II-ի պանիսլամիզմի քաղաքականության որդեգրման և հայկական շարժերի կազմակերպման դրդապատճեններից մեկը: Պ. դ. թ. Ա. Ս. Վարդաբյանը (Երևան) խոսեց Արևմտյան Հայաստանում կապիտալիզմի զարգացման առանձնահատկությունների մասին: Նա գիտական շրջանառության մեջ դրեց հետաքրքիր տվյալներ, քաղված հայկական աղբյուրներից, որոնք դեռևս քիչ են ծանոթ սովետական թուրքագետներին:

Պ. գ. թ. Ն. Վ. Կոմախիձեն (Թբիլիսի) զեկուցումը նվիրված էր Օսմանյան կայսրության առանձին տարածքների սոցիալ-տնտեսական զարգացման անհամաչափության պրոբլեմին:

ՀԱՍՏ ԳԱ արևելագիտության ինստիտուտի Թուրքիայի բաժնի վարիչ, պ. գ. թ. Ռ. Գ. Սաֆալյանի զեկուցումը, որը նվիրված էր երիտթուրքերի և քեմալականների ազգային քաղաքականության մի քանի վիճելի հարցերի լուսաբանմանը, հետաքրքրություն առաջացրեց ներկա գտնվողների մոտ: Հիմք ունենալով հարուստ և բազմակողմանի փաստացի նյութ, այդ թվում նաև մի շարք նորահայտ արխիվային փաստաթղթեր, հեղինակը ցույց տվեց և հետագայում ծայր առած մտքերի փոխանակման ընթացքում համոզելի կերպով հաստատեց իր զեկուցման գլխավոր թեզը այն մասին, որ քեմալականները ազգային հարցում, ըստ էության, շարունակեցին երիտթուրքերի մեծապետական-շովինիստական քաղաքականությունը, տալով նրան սոսկ նոր երանգավորում: Ուշագրավ էին նաև Ռ. Գ. Սաֆալյանի եզրահանգումները XX դարի սկզբին թուրք կառավարող շրջանների ազգային քաղաքականության տեսական հիմքը հանդիսացող գաղափարական դոկտրինաների և այդ քաղաքականության առանձին փուլերի առանձնահատկությունների մասին:

Պ. գ. թ. Ա. Հ. Փափազյանը (Երևան), օգտագործելով մեծ վեջիթ ֆյամիլ փաշայի հիշողու-

թյունները, ցույց տվեց թուրքական վերնախավի այդ ներկայացուցչի դիրքորոշումը Արևմտյան Հայաստանում տիրող իրադրության վերաբերյալ:

Մի խումբ թուրքագետների ելույթները նվիրված էին գաղափարական, ընդհանուր տեսական, ինչպես նաև մշակութային հարցերի լուսաբանմանը: Նրանցից կարելի է նշել փ. գ. թ. Է. Ցու. Հասանովայի (Բաքու) զեկուցումը, որտեղ հեղինակը մանրամասն քննեց և բնութագրեց XX դարի սկզբի թուրքական բուրժուական քաղաքական գործիչներ և գաղափարախոսներ Մեհմեդ Սաբահեդդինի և Ջիլա Գյուքալփի կողմից առաջ քաշված հասարակական-քաղաքական դոկտրինաները: Զեկուցման դրույթները հետաքրքիր ու նոր էին, բայց և ոչ անվիճելի: Ինչպես նշեցին մտքերի փոխանակման ընթացքում ելույթ ունեցողները, նրանց մի մասը կարոտ է հետագայում ավելի խոր և բազմակողմանի ուսումնասիրման: Այդ ընկալ պ. գ. թ. Լ. Բ. Պետրոսյանի (Լենինգրադ) զեկուցումը, որտեղ հեղինակը նորովի մեկնաբանեց ավանդականի և նորի փոխհարաբերության հարցը թուրքական ռեֆորմատորական շարժման մեջ: Պ. գ. թ. Է. Է. Զամանովան (Բաքու) պատմեց սոցիալիզմի գաղափարների թափանցման մասին Թուրքիա: Հետաքրքիր զեկուցումներով հանդես եկան երիտասարդ թուրքագետներ Հ. Ս. Սաֆալյանը և Ա. Ռ. Հովհաննիսյանը (Երևան) և Է. Երևան):

Պ. գ. դ. Հ. Զ. Ալիևը (Բաքու) իր զեկուցումը նվիրել էր «1905—1907 թթ. հեղափոխությունը Ռուսաստանում և Թուրքիան» թեմայի ուսումնասիրությանը: Մոսկվացի թուրքագետ, պ. գ. թ. Ս. Ֆ. Օրեշկովան առաջարկեց մի քանի նոր մեկնարանություններ, կապված օսմանյան ինքնակալության տիպաբանության և էվոլյուցիայի ուղիների հետ:

Կոնֆերանսում կարգացվեցին նաև պատմագիտական բնույթի զեկուցումներ: Փննադատարար վերլուծելով ժամանակակից թուրք պատմաբանների և սոցիոլոգների բազմաթիվ աշխատություններ, պ. գ. դ. Պ. Մոյխեևը (Մոսկվա) ներկա գտնվողների ուշադրությունը հրավիրեց այն հանգամանքի վրա, որ օսմանյան ագրարային կարգերի առանձնահատկությունները այսօրվա Թուրքիայում դարձել են ոչ միայն ինտենսիվ ուսումնասիրությունների օբյեկտ, այլ նաև «գոտագործվում են գաղափարական պայքարում» տարբեր հոսանքներին պատկանող գիտնականների կողմից իրենց տեսակետները հաստատելու նպատակով: Այս զեկուցումով մեկ անգամ ես ցույց տրվեց, թե որքան կարևոր և հրատապ են օսմանագիտական ուսումնասիրությունները:

Պ. գ. գ. Բ. Ղ. Սաբալյանը (Երևան) հանգամանակից խոսեց 60—80-ական թթ. սովետա-

Հայ պատմաբանների կողմից XIX դարի վերջի-XX դարի սկզբի Թուրքիայի պատմության պրոբլեմների ուսումնասիրության ուղղությամբ կատարված աշխատանքների մասին և մեկ առ մեկ արժեքավորեց լույս տեսած մենագրությունները: Զեկուցողը նշեց, որ Սովետական Հայաստանի թուրքագետների կողմից առաջ քաշված տեսակետները և տրված գնահատականները գնալով ստանում են ավելի լայն ճանաչում և արդեն իսկ արտացոլվել են Մոսկվայում հրատարակված մի շարք աշխատություններում: Հայ թուրքագետները ակտիվորեն մասնակցում են նաև եղբայրական հանրապետությունների թուրքագիտական կենտրոնների հետ համատեղ հրապարակվող կոլեկտիվ մենագրությունների նախապատրաստմանը: Այս ամենը վկայում է այն մասին, որ թուրքագիտությունը Սովետական Հայաստանում ապրում է իր վերելքի շրջանը, — եզրակարգեց Ե. Ղ. Սարգսյանը: Լենինգրադյի թուրքագետ Ի. Ե. Պետրոսյանը ծանոթացրեց ՍՍՀՄ ԳԱ արևելագիտության ինստիտուտի Լենինգրադյան բաժանմունքում Յու. Ա. Պետրոսյանի դեկամբրությունը տարվող օսմանագիտական ուսումնասիրությունների հետ:

Զգալի թիվ էին կազմում երիտթուրքերի կառավարման օրոք Օսմանյան կայսրության ներքին և արտաքին քաղաքականության հարցերին նվիրված զեկուցումները: Պ. Գ. Գ. Վ. Ա. Բալթուշայանը (Երևան) հարուստ արխիվային նյութերի հիման վրա բնութագրեց Իրանի նկատմամբ օսմանյան Թուրքիայի վարած նվաճողական քաղաքականությունը առաջին համաշխարհային պատերազմի նախօրյակին: Ուշագրավ էր նաև ՀՍՍՀ ԳԱ արևելագիտության ինստիտուտի ասպիրանտ Ն. Ս. Խեկոյանի 1911—12 թթ. Թուրքիայում ծավալված միջկուսակցական պայքարի առանձին

դրվագներին նվիրված զեկուցումը, որտեղ օգտագործված էին Ռուսաստանի արտաքին քաղաքականության արխիվի փաստաթղթերը: Պ. Գ. Ս. Ա. Ա. Կոլեզնիկովը (Ալմա-Աթա) զեկուցման մեջ խոսվում էր առաջին բալկանյան պատերազմի նախօրյակին օսմանյան բանակի ցածր բարոյականության պատրաստականության և երիտթուրքերի ռազմական քաղաքականության մեջ տեղ գտած սխալների մասին: Կարդացվեց նաև Վեդզային հարցը Օսմանյան կայսրության թուրքական ընդդիմադիր կուսակցությունների ծրագրային փաստաթղթերում (1908—1913 թթ.) խորագրով զեկուցումը, որի հեղինակն էր պ. Դ. Բ. Ռ. Ա. Սաֆարովանը (Երևան):

Կոնֆերանսի մասնակիցները հանդես եկան նաև զեկուցումներով, որտեղ արծարծվում էին Օսմանյան կայսրության հպատակ ժողովուրդների ազգային-ազատագրական շարժման հետ կապված խնդիրներ: Ընդ որում, կարդացված զեկուցումներում խոսքը գնում էր ոչ միայն հայերի, այլ նաև: արաբների և քրդերի հակաօսմանյան ազատագրական պայքարի առանձին դրվագներին մասին: Հիշատակման է արժանի Բ. Գ. Ս. Հ. Քաշաբի (Երևան) զեկուցումը: Հետաքրքիր էին նաև պ. Գ. Բ. Զ. Զալիլի և պ. Գ. Բ. Զ. Նաջաբյանի (Երևան) էլ՝ Երևան) ելույթները:

Կարդացվեցին նաև մի շարք այլ զեկուցումներ:

Վերջում տեղի ունեցավ կոնֆերանսի արդյունքների ամփոփում: Ելույթ ունեցողները գահավիժեցին, որ դիտաժողովը անցավ բարձր մակարդակով և մեկ անգամ էս ապացուցեց նման նստաշրջանների նշանակությունը գիտության հետագա առաջընթացի համար:

Ռ. Ա. ՍԱՀՐԱՍՅԱՆ

ՀԱՅ ՄԻՋՆԱԳԱՐՅԱՆ ԳՐԱԿԱՆՈՒԹՅԱՆԸ ՆՎԻՐՎԱԾ ԳԻՏԱԺՈՂՈՎ

Հայ միջնադարյան գրականությանը նվիրված գիտաժողովը, որ կազմակերպել էր Հայկական ՍՍՀ գիտությունների ակադեմիայի գրականության ինստիտուտը, տեղի ունեցավ Երևանում 1986 թ. սեպտեմբերի 15—19-ը: Բավական լայն էր գիտաժողովի մասնակիցների կազմը. Երևան էին ժամանել Հայագետներ Մոսկվայից, Լենինգրադից, Քրիլիսիից, Բաքվից, Գերմանական Դեմոկրատական Հանրապետությունից, Լեհաստանից, Հունգարիայից, Մոնղոլիայից, ԱՄՆ-ից, Ֆրանսիայից, Իտալիայից, Գերմանիայի Զեդերատիվ Հանրապետությունից, Ճապոնիայից, Բել-

գիայից, Լյուքսեմբուրգից, ինչպես նաև Միչուտեի տարբեր գաղթօջախներից: Գիտաժողովի մասնակցում էին Սովետական Հայաստանի քաղաքային գիտնականներ, որոնք աշխատում են գիտությունների ակադեմիայի համակարգում, Մաշտոցի անվան Մատենադարանում, Երևանի պետական համալսարանում և այլ բարձրագույն դրսերում: Գիտաժողովը ներածական խոսքով բացեց Հայկական ՍՍՀ Մինիստրների խորհրդի նախագահի տեղակալ Ս. Ավետիսյանը, ապա ընթերցվեց Հայկ. ՍՍՀ ԳԱ պրեզիդենտ, ակադեմիկոս Վ. Համբարձումյանի ողջույնի խոսքը: